

7206  
14

**TENTAMEN**  
**PNEVMATOLOGICO PHYSICVM**  
**DE**  
**MANCIPIS DIABOLI**  
**SIVE**  
**SAGIS**

*AVTHORE*  
**DANIELE FISCHERO**  
**KESMARKIENSI-HVNGARO.**  
**MED. CVLT.**

---

*VITEMBERGAE,*  
**EX OFFICINA KREVSIGIANA.**  
**MDCCXVI.**

5708

**D E O,**  
**OMNIVM BONORVM FONTI**  
**REIPVBLICAE PATRIAE.**  
**PARENTI.**  
**PRAECEPTORIBVS.**  
**ET**  
**AMICIS.**

PRIMUM HUNC SVI INGENII FOETVM, EA  
QVA PAR EST HVMILITATE ET OB-  
SERVANTIA CONSECRAT  
DEDICATQVE

**AVTHOR.**





TENTAMEN.  
PNEVMATOLOGICO. PHYSICVM.  
DE  
MANCIPIIS. DIABOLI.  
SIVE.  
S A G I S.

---

L



Vam peruersa sit hominum malitia, in agendis non solum diuinis, uerum etiam humanis rebus, neminem dubitaturum fore arbitror: Experientia enim, quae omnium rerum optima magistra est, ut *Aretaeus Cappadox Lib. II. De Morbis Acut. Cap. II.* docet, illud ipsum fatis superque ob oculos ponit, Scriptaque eruditissimorum uirorum hac de re plena sunt. Malitiae autem generauaria sunt, sed ab uno fonte promanantia: scil. a Diabolo, qui fons omnis mali a Christianis dicitur; Vt enim *DEVS* omnium bonorum fons: *Omnis enim*, habet: *Iac. I. 17. donatio bona et omne donum perfectum e supernis*

*est, descendens a Patre Luminum.* Sic Diabolus omnis mali Author est, cum hoc enim malitia coepit. Quare etiam Manichaei diuersas uidentes operationes e homine prodeuntes, ad duo principia refugiabant, ac unum bonum alterum malum dicebant; Sed omnia sine ratione, nec respicientes ea quae *Moses. Lib. Creat.* docuit, scil. omnia ab uno principio emanasse, quae optime se se habebant, tandem uero degenerasse in malas creaturas, quas nunc Angelos malos, siue Diabolos appellamus.

Inter malitiae autem genera, unum quam maxime mihi euoluendum placet; Sagarum, quoniam cum certior factus sum ex datis ad me literis a *Dno. Daniele Lany. Minist. Cand. dignissimo. Kesmarck d. 29. August.* Sagas ualde infestare ciuitates quasdam Pannoniae Superioris, uineasque destruere. Cuius uerba haec sunt. *Kan nicht unterlassen / zu berichten daß unter denn Wein-Gebürgen als in Talya Mada, und der Orten mehr / sehr viel Hexen und Zauberinnen gefangen sitzen / und noch jemmer mehr eingezogen werden / welche erschrockliche Thaten bekennen addit, si adesset Christ. Thomafius Hallens. lubens concederet dari sagas* Et ab alio quodam Amico. *Dno. David. Frühauff. Minist. Cand. ex Literis d. 27. Iulii* percepissem, grandinem in uineis magnum fecisse damnum; Ita enim scribit: *Berichte daß in denen Weinbergen der Hagel grossen schaden gethan hatt / bevooraus in Talya, Benye, Mada, etc. daß der General Trautsohn sonsten 700. auch 800. Saß bekommen / jeso nicht ein einziges zu hoffen hatt. Des Herrn Pitschke seine 12. Wein-Gärten sind völlig ruiniret, etc.* Ex quibus assertis, multae cogitationes  
animum



animum subierunt, an huius detrimenti Sagae causa sint? Id quod ut inuestigare, et rationibus naturae consonis demonstrarem amicus quidam impetrabat, cui tamen statim recusavi, agnoscens tenuitatem, quae huic labori perferendo insufficiens erit: Attamen persuasus, tandem aliquid in chartam conieci, et sub hoc Schemate typo tradidi. Si ergo errores quidam irrepperint, errare enim humanum est, eos ut L.B. corrigat, obnixè oro, rogoque.

## II.

Solet uero haec eorum malitia proprio nomine indicari, scil. Magiae; sed obseruandum est, varias esse species magiae, et uocabulum illud, tam in bonam, quam malam partem interpretari posse, quod et ipsae *Litterae S.* testantur. Hinc etiam Philosophi eam dicunt aliam esse naturalem seu licitam, aliam uero Daemoniacam seu illicitam. Illam non solum Patriarchae et Reges annotante *Scriptura S.* et *Iosepho Antiquit. Iud.*; uerum etiam Philosophi uariarum nationum, ita, ut non solum Ebraei, sed et Graeci, inter quos quàm maxime eminebat *Thales Milesius*, unus e septem sapientibus, a quo et Aegyptii artem Magicam accipiebant, prout fatetur in *Epla ad Pherecydem*. Item Chaldaei, Persae, et Indi, imo ut *Sperlingius in Diss. I. De Magia Nat. Proem* loquitur, totus oriens tractaret. Atque haec ut fieri consuevit, in malitiosam conuersa, et laudibus, quibus naturalis excipitur, exclusa, ac Satanae consilio relicta; cuius in diuinationibus, incantationibus, imo et producendis mirabilibus effectibus utuntur. Atque hanc negare non est ueritus *Beckerus in Mund. fascin.*

*Lib. III. Cap XIII.* Contra quem egregie se gesserunt plurimi eruditorum non solum Theologorum, uerum etiam Philosophorum. Contra quem sufficiet h. l. in medium afferre, quod *CL. Martius in Tr. de Magia Nat. eiusque usu Medico Cap. I. §. I. sub Lit. d.* aduersus eundem, commemorat; *At uero, inquit, quamuis negari nequeat, philosophos, aut arcanorum naturae peritos, hinc inde apud Sacros aequae ac prophanos scriptores magos appellari; hoc tamen et liquido constat, multos uetterum magorum peculiarem sapientiae partem constituisse, habere commercia cum daemonibus, eosque ad obsequium suum flectere posse. Ex Magis quidem Aegyptiacis patet, illos tempore Mosis ea effecisse, hoc ipsum tamen negat CL. Frid. Homffannus in Tr. De Potentia Diaboli in corpor. §. VI. quae homo suis uiribus per uirtutum naturalium seu arcanorum naturae cognitionem perficere nunquam poterat.*

### III.

Vt autem tractanda materia liquido sit, prius traditurus quaedam de Nomine Sagarum, ubi notandum uocem saga esse adiectiuum Sagus. a. um. unde etiam sagax ingenium dicitur. Alii dicunt propterea sagam appellari, quia satis agat; Verum ne his inhaeream, sufficit scire sagam inde dici, quia putabant homines, miros effectus eas edere, qui uix ab homine alio edi possunt, adeoque praecaeteris ingenio Sagaci gaudere. Plura de nomine sagarum qui scire cupit, is adeat. *Valent. Alberti diff. desagis Cap. I.*

### IV. Quid



## IV.

Quid autem perhos homines intelligam, non opus erit ut pluribus mentem explicem, quia notum est, ea esse mancipia Diaboli, cum Daemone pactum ineuntia, intendentiaque conatum malum in actum deducere, in detrimentum piorum. Notanter dico sagas esse mancipia Diaboli, quia nullum est discrimen faciendum inter sexum, ac si foeminae solae hoc opus cum satana ineant, ut *Alberti l. c. Cap. II. §. II.* egit, qui foeminas loco generis apposuit, quia ad persuadendum aptiores sunt, ut Eua, quae a Diabolo decepta, tandem et Adamum ad peccandum persuadebat. Quare etiam *Aeneas Sylvius* qui Pontifex factus Pii nomen accepit, teste *Schneidero in diff. de Ord. foem. Equest. §. I.* mulieres pabulum diaboli uocabat. Verum enim uero prostant innumera exempla uirorum, qui se quoque ut subditos diaboli pedibus subiecerunt, quale Exemplum ipse *Alberti l. c. §. IX.* refert, de Saga, quae tres filias et filium ad satanicum opus perduxit; Vt alia hic taceam, quoniam tanta copia exstant apud scriptores infra nominandos, quae rem satis superque affirmare conantur.

## V.

De existentia Sagarum propter aduersarios quaedam etiam notanda ueniunt, quoniam per multi sunt qui sagas negant sine ratione, quidam uero illuc dilabuntur, ut ex persuasione Saranae illud etiam negent. Ad illorum classem pertinet. *Petrus de Apone Med. Doct. teste Bodino Demon p. 7.* qui perhibebat

bar nullos existere spiritus nec sagas, *Beckerus l. c.* idem etiam sentit, alique plures recentiorum Philosophorum. Ad horum uero spectat *Guil. Luranus Theologus* qui Satanae iuramento promisit, se nihil dicturum de Magis s. Sagis, sed publice docturum ea quae de his narrantur esse fabulas. Alique plures, quos hic afferre chartae angustia non permittit. Contra hos urgeo. I. Exempla. Sic *DelRio* ex *Chirlando Lib. II. fort. §. II.* refert Mulierem sabinensem quae non solum maritum ad congregationes suas duxerat, sed omnia sua, quae ex indulgentia Satanae habebat, illi detexerat. *Bodinus quoque in Praef. Demon. p. 2.* de Iohanna Haruillera refert, eam 12. anno aetatis suae, pactum cum daemone iniisse, sibi que apparuisse uti ipsa fassa est, in specie hominis atri staturam humanam excedentis. Ut alia exempla hic praeteream. e. g. de Medea Regina Iasoni desponsata, de Ancilla B. Waltheri, alique, quoniam otium mihi fecerunt in enarrandis Exemplis. *Schottus, Bodinus, Gae-hausius, DelRio, Ghirlandus, Sprengerus, Remigius, Carpozouius, Gödelmannus, Psitzerus, Dan. Fabr, Lambertus Danaeus*, alique. Qui itaque plura desiderat exempla, operationesque sagarum, ad hos Authores remittitur. II. Rationes, quae existentiam et horum exemplorum nonsolum, uerum etiam, quod instar omnium esse debuit, Exempli quod hoc anno contigit in ciuitatibus quibusdam Pannoniae superioris, uti ex §. I constabit, ueritatem comprobant. Ratio. I. Quia omnes gentes illud ipsum agnouerunt non tantum, sed et ut ueritati consonum admiserunt. (2.) Desumitur Ex scripturae S. exemplis passim exstantibus. (3.) Ex diabolici astucia, qui nocte dieque plateas obuersatur, ut rapiat



rapiat quosdam sibi subditos faciat. (4) Ex operibus quae haec mancipia praestant, quaeque nulla ui naturali edi possunt. Ex quibus allatis, uerum esse illud, quod *F. Hoffannus. L. c. Proem.* tradit patebit: *Enimuero, inquit, his breuiter reponimus, cum ad facti cuiusdam confirmandam ueritatem bini aut terni testes omnium gentium consensu sufficiant, nos quidem suspicari non posse, cur ea demum neganda uideantur quae omnium hominum memoria, ab uniuersis gentibus credita, a Theologis pariter ac ratiocinans et ideastis prouidentissimis miro consensu obseruata, sacri codicis testimonio firmata, et tot denique magistratuum edictis ac iudiciis, ipsaque rerum confessione stabilita legimus.*

## VI.

Iam de pacto Diaboli cum his ueneficis aliquid dicendum est; Antequam uero id ipsum euoluere incipiam, prius suppono id uerum esse quod negat *Antonius uan Dale, Beckerus* alique, scil. existere Diabolum. Quoniam ipsi Philosophi licet gentiles, hanc doctrinam admiserunt, uti testatur *F. G. Vennetus Harmon. Mund. Cant. I. Ton. VI. Cap. XXXII.* Esse itaque, inquit, *Angelos*, intelligit bonos et malos, ne dum *Sacra eloquia docent, sed et Philosophi naturales id asserunt, et probant, Plato maxime cum omnibus suis Academicis, Chrysippus et Aristoteles.* Et de Socrate, *Cardanus Lib. XVI. De Varietate rerum Cap. XCIII. p. 625.* Socrates, inquit, adeo uerax fuit, ut etiam mentiri pro uita sua nollet, aut aliquid turpe faceret: Sed socrates Daemonium se habere palam affirmabat, non semel uisum, sed toto tempore

pore uitae suae illi familiarem, qui semper eum dehortaretur, hortaretur nunquam; igitur Daemones sunt, et p. 632. historiam Daemonii socratis refert. An uero haec Philosophi, ex natura agnouerint, uel ex relatione acceperint? ut *Woffius Lib. I. de Orig. et Progr. Idol. Cap. VI.* tradit, aliis diiudicandum relinquo. Ego. h. l. de existentia Angelorum malorum sententiam probaturus, urgeo argumentum illud uulgare Pneumaticorum. uidelicet obsessos. qui uarios imo mirandos effectus edunt, linguasque uariarum nationum loquuntur. uid. *Donatus Pneum. P. sp. Sect. I. Cap. I.* Quamuis id ipsum praemi difficultatibus dicat *Aepinus Introd. in Phil. Part. IV. De Theol. Nat. Part. I. Sect. I. Cap. IX. §. V.* sed sine sufficiente ratione. Possem quidem oracula gentilium, et spectra urgere, sed sufficit sola Scriptura S. quae expresse docet dari Angelos bonos et malos, cui dissentire non est Christiani; sed Athei, qui plane in DEVM non credit.

## VII.

Pactum Sagarum cum Satana aliud est explicitum, aliud implicitum; Explicitum illud dicitur, cum quis satanae sub uisibili specie stipulata manu, imo ipso suo sanguine promittit se ei obtemperaturum in omnibus. uid. *Remigius Lib. I. Daemonola. Cap. LXVII.* Implicitum uero, illud appellatur, cum quis sciens uolensque superstitiosis utitur rebus. uid. *Taurellus De Magia Lib. IV. Cap. XXVIII.* quae omnia ut multis exemplis rationibusque comprobem necesse non est, quoniam confessiones sagarum rem palam faciunt, adeo-



adeoque eas pro allatis militare relinquo. De Commercio tamen fufius differendum erit: Vbi notandum, dari praeter citatos Authores, qui Diabolum negant, etiam quosdam, qui licet affirmant exiftere Satanam, tamen negant, Daemonem sub apparente quadam specie illis apparere auxiliumque in proximi detrimentum ferre, uti existimauit *CL. Christ. Thomasius in diff. de Crimine Magiae* alique, cui sententiae ansam dedisse *Cartesium* demonstrauit *Hoffmannus. l. c. §. II.* Verum enim uero, lubens largior, Diabolum corpus Physicum assumere non posse, sed tamen imaginarium et apparens, qualia exempla multa refert: *Frommannus in Tract. de fascinatione.* Quemadmodum enim uariae figurae repraesentantur in nubibus, sic et diabolus, qui experientia edoctus uarie radios reflectere, refrangere, et uarie disponere potest, et repraesentare umbram figurae alicuius creaturae uiuae uel demortuae. Quare etiam recte *CL. Homannus l. c. §. XII.* Ipsum Daemonem, inquit, *uarias species corporum phantasticas, tam hominis quam animantium ex aere uaporofo sub luce et umbra uarie et artificiose collecto, commode induere posse, etc.* Hinc etiam multi homines decipiuntur, cum umbram uident, putantes esse diabolum uel spectrum aliquod, qualia exempla multa apud scriptores leguntur. Recte ergo docuisse *Gaffarellum Curiasit. inaudit. Cap. V. §. X.* Umbras circa coemeteria apparentes habere figuram humatorum exteriorem, apparebit. Non tamen, cum haec approbo, sentio cum *Ammonio in Comment. ad Porphy. Praedicabil.* qui umbras has circa coemeteria aliquando apparentes, dicit esse animas demor-

demortuorum, Ita namque inquit, corporum amatrices sunt animae, ut post mortem adhuc eodem amore teneantur; atque ob eam causam fieri autumant, quae circa mortuorum tumulos fieri solent umbrarum apparitiones. In quas uero formas se transformet Satanas, egregie nos docuit Meisnerus in *Tract. de Apparitionibus Daemonum. Cap. I. §. II.* qui cum sufficienter hac de re differeret, tandem in haec uerba incidit, inquiens: *Verb. in omnes se transformat hactenus formas, atque ut decipiat, nullo colori parcat.*

### VIII.

Commercium Diaboli etiam in opere generationis quidam asserunt; docentes Daemonem cum mulieribus congregari, easque gravidas efficere; pronocantque ad *Gen. VI. 4.* et opera Satanae. Verum contrarium his assero, et nequaquam concedo Daemonem naturaliter, nec artificialiter gravidam mulierem facere posse, hoc tamen largior, eum quidem congregari posse, sed sine ullo effectui, quia requisita conceptionis naturalia, in hoc opere Daemoniaco non reperiuntur, ergo nec effectus. Quod uero Locum scripturae S. attinet, in quo de filiis DEI sermo est, illud non est institutum ut explicem; uideantur tamen interea Pfeifferus in *Praef. der Erquickstunden* et Bisselius in *Ruinis Illust. Dec. I. p. 287. et 88.* copiosius hac de re discentes. Sed illud argumentum ab operibus desumptum, hic erit examinandum. Docent itaque, (scientes iam se uictos esse diabolum non habere semen, quia spiritus immateriale, semen



semen uero materiale quid est, et materiale a spiritali procedere, ratio humana concipere nequit, et spiritus alimenta non sumunt,) licet scriptura S. testetur Ipsum DEVM angelosque cibum sumfisse, sed haec non physice sed moraliter et Theologice explicanda ueniunt, (iam uero, notum etiam est ex physiologicis ex cibo fieri chylum, ex quo sanguis et omnes succi corporis nostri emanant, per consequens etiam semen, si itaque cibum non assumunt, nec semen scernetur, posito enim uno, ponatur et alterum necesse est, absente uno, deest et alterum.) Satanam habere semen per accidens, i. e. affert, ex aliis corporibus semen, idque in coitu subiecto immittit. Verum legitima conceptio non admittit tales ambages, et quod Daemon in aliis praestae hic non praestare potest, quia omnia eius opera a permissione DEI dependent, DEVS uero illi hoc opus non permittit, ergo nec efficit. Prouocant tamen ad exempla, quale nobis refert *Capzouius Prax. Crim. Part. I. 2. L. n. 66.* Sed his exemplis egregie responderunt uiri doctissimi, ex quibus solum *Pomarium in Colleg. Phys. Synopt. Disp. XIII. Posit. III. §. IV.* adducam, qui ad exemplum quod *Capzouius l. c.* tradit, mascule respondit; ne itaque dicta ab aliis dicere uidear, hanc rem silentio lubens praetereo.

## IX.

Neque hoc uerum esse arbitror, quod Sagae spargunt, se ad diabololi conuenticula conuenire, hinc multa uerba faciunt de monte Bructero dicto, quoniam

niam prostant exempla, quae contrarium affirmant. Sic enim Gödelmannus in *Tract. de Magis Lib. II. Cap. IV.* cuius haec uerba sunt. *Mulier quaedam Megalopolitana in crimen uocabatur, ac si in conuenticulis sagarum in bructero soepius interfuisset. Fidem rumori denegabat Dominus Nobilis, cui mulier ista seruiebat. Exploraturus tamen rem, causam cognouit, et a muliere tulit responsum, cras eo sibi esse auolandum. Nobilis adscitis Pastore et domesticis, mulierem diligenti custodia seruabat coram, quid de ea futurum sit, spectaturus, sed misera illa unguento quodam se illinens, tam alto obruebatur somno, ut nec illa nocte, nec postridie illa possit excitari. Expergefata demum, una cum, aliis ueneficis in Bructero se fuisse obstinanter assenerabat nec errorem hunc ex animo sibi euelli patiebatur.* Ita et *D. Lutherus Tom. I. Ienens. f. 126. ex Keisersbergio* refert de uetula quadam, quae praedicatorum, qui talia pronunciabat esse falsa, ad arguendum mendacii, serio uocabat, eoque adspectante sese inunxit et sedens in furca cum iam uolare uellet, obdormiuit. Cur uero *Alberti l. c. §. XXXVII. Cap. II.* distinguat inter adductionem ueram et apparentem, ac ueram illam dicat, quando reuera atque *σωματίζουσ* transportantur; Apparentem uero, quando, ut eius uerbis utar, *incantationibus Diabolicis deluduntur, ac somniis ecstaticis atque profundis, mentes illarum obfascinat ueterator*, nescio qua de causa. Quod sententiam meam attinet, concedo *Dno. Alberti* transportationem apparentem, nego tamen atque pernego ueram. Quoniam e loco in locum homines transportare diaboli non est potestas, homo enim fluido  $\Delta$ is uel bis centum ac ultra uicibus praeponderat, annotante

Hoffman-



*Hoffmanno l. c. §. VI.* adeoque naturaliter fieri nequit ; Sed esset inter miracula notandum , iam uero miracula edi non possunt a Satana , sed solo DEO qui ius habet in ordinem naturae , si uero quaedam efficit , tamen hoc consentiente natura peragit , uti ipse fateatur *Alberti l. c. §. XXV.* Excipitur tamen ab eodem *Authore Quae enim , inquit , hac in parte est bonorum Angelorum potentia , ea et malorum ,* atque hoc suum dictamen confirmare conatur exemplo Habacuci , ex quo concludit , si angelis bonis id competit , ergo et malis , una enim eademque sunt essentia. At enim uero huic sententiae breuiter reponere uolo , dicoque ab essentia Angelorum bonorum ad malorum non ualere argumentationem , licet hi spiritus essentia ipsa non differant , tamen in facultatibus non consentiunt conueniuntque. ~~Argumentor~~ ergo et ego : Adam ( in statu innocentiae constitutus ) et posterius eius conueniunt materia et forma , sequeretur ergo etiam eosdem conuenire sapientia , sed quantum distamus ab illo ! Quod uero ad exemplum Habacuci attinet , qui Daniele iussu DEI obtemperans cibum in carcere sedente ad portabat , ut ex S. Literis constat. Respondetur ad illud : Quod a DEI potentia ad diabolorum argumentari impium sit , DEI enim hoc erat opus non Angelorum. Quidcunque enim Angeli Omnipotentiae DEI ope praestant , illud Daemones praestare nequeunt , quia sunt spiritus a DEO in uincula detrusi , et tenebris crassis inuoluti. Prouocabit tamen aliquis ad exemplum saluatoris , de quo mihi non est h. l. sermo faciendus , quia institutum non permittit  
et

et a *Valaeo in Comment. ad N. T.* egregie explicatum est, ad quem et B. L. remitto. Vrget tamen et confessiones sagarum: *D. Alberti*, quae tamen argumentio nulla est. Datur enim affectus quidam, qui a Medicis Melancholia dicitur, quo affectu laborantes homines sibi persuadent inter alia se esse mortuos cum tamen reuera uiuant, et mors in illorum imaginatione consistat: Sic etiam cum his mancipiis euenire potest, ut sibi immaginentur, uel a satana illudantur, ut haec sibi persuadeant. *Totus enim* ut loquitur *Grünebergen. in diss. de Umbra Cap. I. s. XX. in eo est satanas*, ut illudat sensibus externis, et elludat internos: Et quia malus est, mala malitur. Qui olim in coelo bellum, in paradiso fraudem, inter primos fratres odium et simultatum offensas seuit, nunc adstans in oculos fascinat, ut nullo praesente corpore, corpus uidere se putent, sed quod ex improviso soepe uelut umbra euanescit.

## X.

Nec *Bodini* sententia hic locum habet, dum docet in apparente abreptione animam abripi, corpus uero domi manere, quia legibus naturae contrariatur. Quomodo enim anima a corpore separari potest, sine defectu uitae? nam constat, in unione animae et corporis uitam consistere: Si itaque Diabolus animam e corpore abripi, et ei iterum restituere posset, sequeretur eum etiam corpora resuscitare posse, quod absurdum est, et non sine impietate dici potest.

## XI. His



## XI.

His missis de operibus magicis differendum erit, antequam uero id ipsum tractare incipiam, prius supponenda mihi quaedam ueniunt, quibus seu fundamento innitatur, omnis haec sequens tractatio. Suppono igitur (1.) Diabolum nihil sine permissione diuina efficere posse. (2.) Sine ordine naturae daemon aliquid perficere nequit. (3.) Mancipia eius, siue sagas siue consilio satanae nihil in actum deducere posse.

## XII.

Cum itaque opera horum mancipiorum explicanda aggredior, primo loco mihi de tempestatibus erit differendum, quoniam tantae oriuntur querelae apud homines, imprimis in Hungariae quibusdam ciuitatibus, quod grando aliaque meteora uineis, magnum intulere damnum, ita ut iam ab aliquot annis uinum non generosum, prout solebant, sed acidum protulerunt, imo quasdam Anno 1715. plane destruxerunt. An itaque tempestatum causae efficientes sint sagae? occasione exempli allati, erit inquirendum. Suppono igitur notum esse, uehementiorem Am uentum communiter appellari, uentus uero tempestatum uariarum causam esse, prout duabus ex rationibus comprobauit *Weidlerus Praecept. pie deuenerandus in diff. de Tempestatum uariet. §. V.* Ex quibus colligere licet, quidcunque Am mutat, illud et uentus uariet necesse est e. g. Ignis subterranei, Solis et Lunae motus regularis, de quibus uid.

*Magnif. Dnus. D. Bergerus* Archiater Regius acutissimus, Praeceptor ad cineres usque pie deuenerandus, in *Comment. de Thermis Carolinis Cap. VI.* Notum etiam est in  $\Delta e$  multa colligi effluuia. e. g. Nebulam, Nubes, Fulmina, quae tandem in pluuiam, niues, imo grandinem etc. mutatur, pro uarietate  $\Delta is$ . Quibus positis, Scriptura S. rationem faciliat, dum *Apostolus Eph. II. 2.* Diabolum dicit esse dominum  $\Delta is$ . Non autem sentio cum illis, qui diabolum (occasione huius loci) dicunt dominare in  $\Delta e$  ratione creationis, quia *Uitula* in damnum hominum perficeret; sed ratione inhabitationis, et quoad potentiam certam, qua  $\Delta m$  iam in ordine suo ad motum constitutum dirigit, in poenam et probationem hominum. Si igitur uera sunt haec allata, sequitur etiam uerum esse sagas ope satanae tempestates uariare posse. Nam si satanas potestatem habet in  $\Delta m$ , et in  $\Delta e$  oriri tempestates, quid ni id sagae ope Daemonis efficere possent. Cum itaque non solum rationes, sed et exempla prostant, non uidetur quare illis hanc potentiam denegarem. Exempla autem talia refert *Valuasor in descript. Carniol.*: alique Authores supra allegati. Vnum solum ex *Schotto in Phys. Curiosa p. 164.* traditurus de puella, quae X. aetatis anno, pluuiam, grandines et alia excitauit, atque interrogante Patri respondit, se haec didicisse ex matre, aliaque quae lubens praetereo ne beneuolo L. nauseam excitarem, quoniam plena sunt exemplis scriptores citati. Ex hoc supposito fundamento etiam fluit, quod uenatores spargunt sersistere posse ignem per incantamenta, quatenam sit causa?



Causa ? Si enim pulvis pyreus madefactus non accenditur a sintillulis , fieri potest , ut daemon per suam potentiam uapores humidos in  $\Delta e$  colligat, pulueremque pyreum in habilem ad ignem capiendum reddat. uid. *Hoffmannus. l. c. §. XII.*

## XIII.

Post meteora tractanda uenit quaestio ; An Sagae insecta efficere possint ? Respondetur negando , quia nulla dicitur ratio , quomodo insecta ab his mancipiis effici possint ? ex nihilo enim nihil fit , ut audit Physicorum canon. Dicit tamen aliquis , quoniam adsunt semina insectorum in  $\Delta e$  , facile ea excludi posse incantamentis ; sed nec hoc concedendum , licet dentur semina insectorum , tamen ea operibus satanicis excludi nequeunt. Hoc tamen largior , daemonem , quia mille fraudum artifex est , insecta e loco in alium transferre , ita ut uicinae eius loci regiones plane liberae his infestationibus sint. Quemadmodum enim satanas lac , pecunias , aliis aufert , suisque mancipiis substituit , sic et cum insectis facile euenire potest , ut tandem credatur sagas haec effecisse , cum tamen per furtum illuc uenerunt. De nouo uero insecta creare non est Diaboli sed DEI T. O. M. potentia , qui omnia creauit , quaecunque in hoc uniuerso reperiuntur , extra quem nullus alius est , nec substitui debet. Atque adeo recte *Hoffmannus l. c. §. XVII.* Cum *Vierio de Praestig. Daemon. Lib. II. Cap. VIII.* docet imaginariam fuisse productionem serpentum , de quibus mentionem facit scri-

ptura Sacra, quia mendacium a ueritate absorberi nequit.

#### XIV.

Illorum causa qui exemplis imaginariis, et confessionibus sagarum fidem adhibent, dicendum quoque est de transmutatione substantiarum, quam afferre nemo sana ratione praeditus potest, quoniam ut recte docuit *B. Sperlingius Lib. II. Inst. Phys. Cap. IV. Quaest. X.* supra naturaliter et naturaliter fieri nequit, sed solum in imaginatione horum mancipiorum consistit; Quemadmodum enim Melancholici, teste *Lommio Obs. Med. Lib. II. p. m. 60.* sibi imaginantur, se esse testaceos, pecudes, uita defunctos, sic et cum ueneficis agere fatanam (sensus uidelicet eorum obscurefaciendo) firmiter mihi persuasum habeo. *Perstringit enim, inquit, B. Lutherus in Gall. III. Diabolus tam uehementer omnes sensus, ut miseri homines putent se uidere audire aut tangere aliquid, quod tamen non uident aut tangunt. Hinc et Plinius Lib. XXII. Hist. Nat. Cap. VIII.* fabulosam hanc sententiam pronunciat, quia naturae imo et DEI potentiae contrariatur, id enim quod DEO soli competit fatanae etiam adscribitur. Quid uero sentiendum de operatione illa diabolica, qua sagae se aliosque inuisibiles facere uel indurare conantur, sit, *Pomarius l. c. Post. II. s. V.* egregie explicat, ita ut ea de re plura addere taedeat.

#### XV. Multa



## XV.

Multa quoque faciuntur de praedictionibus  
 sagarum, nimirum, quod praedicere possint, tem-  
 pestates, contagia, annonae caritatem et uilitatem,  
 terrae motus, quae omnia eas praedicere probabi-  
 liter posse non ibo inficias, quamuis, *Marc. XIII. 6.*  
*Act. 1. 7.* soli DEO adscribatur notitia futurorum,  
 tamen ex naturalibus causis, probabiliter colligere  
 potest sagarum Praeceptor quarum diligentissimus  
 obseruator est, ac suis Gehennae Candidatis per  
 somnia reuelare. Obseruandum itaque est, quod sa-  
 gae antequam praesagire uolunt, se unguentis suis  
 inungant, atque sic deinde in profundum som-  
 num incidunt, quoniam unguentum illorum ex  
 meris somniferis componitur. e. g. Mandragora,  
 hyosciamo, Croco, Opio, aliisque tam simplicibus  
 quam compositis, ac tunc dicenda uel praesagienda  
 illis reuelare. Notandum etiam est Diabolum non  
 semper uera praedicere, sed etiam, et ut plurimum  
 falsa, ut ex oraculis uetterum gentilium non solum,  
 sed et euentu ipso praedictionum, quae a sagis hodie  
 instituuntur, constat, quia est spiritus tenebrarum et  
 Pater mendaciorum. Omnes etiam eius operatio-  
 nes a permissione diuina dependent, quae tanquam  
 frenum se habet in opera eius, et quod maximum  
 est, omnia nostra facta uel cogitata in manu DEI  
 sunt, eaque non solum, sed et tempestates etc. dirigit  
 secundum suam uoluntatem. Qua de re si quis plu-  
 ra desiderat, adeat *Peucerum in Tract. de Diuinat. Vie-*  
*rium de praestig. Daemon. aliosque.*

## XVI.

Morbis quoque homines infestari posse a sagis, ope Diaboli, e. g. Mania, Furore, spasmis, Convulsionibus, Epilepsia, Melancholia, Linguae aphonia, Doloribus Capitis, Dentium, Haemorrhagia, Surditate, Coecitate, Contracturis, Sterilitate, imo Viceribus pessimi moris, aliisque affectibus passim occurrentibus. Quamvis hos morbos omnes naturaliter fieri posse quidam existimant non tamen exinde sequitur eos non esse effectus magicos. vid. Hoffmannus l. c. §. XX. sequ. De His magicis effectibus iam citatur Pater Divinus Hippocrates Lib. de Morbo sacro, dum inquit, *Qui primi hunc morbum sacrum esse pronunciarunt, tales homines mihi esse videntur, quales etiam nunc sunt Magi et expiatores, et circulatores, et quidam arrogantes qui, se uehementer pios esse simulant, et amplius quid scire. Hi itaque consilii ac mentis inopia obuelantes ac praetexentes diuinitatem, quum nihil haberent, quod exhibitum prodesset, ut ne manifesta fieret ipsorum ignorantia, sacram hanc affectionem esse pronunciarunt, et rationibus idoneis collectis curationem constituerunt, sibi ipsis securam, expiamenta offerentes, et incantamenta.* Quae autem causae proximae horum affectuum Magicorum, sint h. l. iam non inquiram, nec de eorum cura, quoniam experientia destitutus, tractationem institutam, sufficit mihi hic solum nominasse morbos magicos. Interea Legi meretur de Morbis magicis, eorum signis, causis, et curatione, Martius l. c. Cap. IV. et V.

## XVII. Quae-



## XVII.

Quaedam tandem absoluta commentatione de operibus, ueniunt dicenda de mediis, quibus mediantibus tam mirandas operationes perficiunt sagae. Sane, quomodo agant haec media magica difficillime est dictu, adeoque silentium hic sententiam meam facio; Quibus uero noceant? multo maius erit inuestigandum. Constat enim sagas in cruciatibus inferendis, nec respicere genus animalium, nec speciem, nec aetatem, sed statim has uel illas in festare, ut multis exemplis comprobauit *Alberti l. c. §. XXX. sequ.* Idque agunt uel mediate, uel immediate; Mediate cum offerunt uenena sua. e. g. uel per poma, pruna, pira, Nuces, Ona, etc. uel uermes, qui germanice *Eben* siue *Böse dinger* nominantur; immediate uero Characteribus et signis, huic operi diabolico accommodatis, De quarum uirtute egit *Martius l. c. Cap. III.* qui tamen cum iudicio legendus, quia multum characteribus fauet. De siglis Medicorum et Magorum etiam egit *Cyprianus in diff. de siglis Cap. IV.* Fauent autem his characteribus *Theophrastus Paracelsus, Helmontius, Fernelius*, alique, sed nescio qua de causa, quoniam, si temporis nulla efficacia est, multo minus literarum erit, uidere adeoque non possum, quomodo morbus ab his ceremoniis depellatur? Quare cum *Magnif. Dno. D. Vatero Physiol. Exp P. sp. Sect. II. Cap. XVI. Quaest. I.* dico, hos impietatis et superstitionis, imo Daemonis pactum siue explicitum siue implicitum effugere non posse. uid. *B. Sperlingius l. c. Quaest. I-IV. Sennerti* tamen monitum hic obseruandum est,

est, quod exhibet *Lib. V. Prax. Med. P. IV. Cap. XXIV.* inquit; Is DEVM honorat qui DEI opera, qualia ab ipso condita sunt, contemplatur, admiratur et celebrat. In DEVM uero iniurius est, et impius, qui rebus uires, quas nec a DEO, nec ab arte acceperunt, tribuit.

## XVIII.

De signis quibus cognosci possunt haec mancipia, non est necesse ut multa uerba faciam, quoniam Authores allegati prolixi hac in re sunt, illud tantum h. l. tenendum est, quod submersio in aquam signum fallibile sit, Id quod exemplo *Gödelmanni*, quod *Pomarius l. c. in Mantissa ad Posit. II. S. V. refert* comprobo, cuius sunt uerba: Cum Ao. 1588. ex Borussia in Liuoniam profisciscerer, inuitauit me in uia quidam praedines et opulentus nobilis in arcem suam. Hic cum ueneficam sequente die propter enormia delicta, quae sua magica et diabolica arte commiserat iam ad ignem condemnasset, quaesivi num illam quoque prius in aquam solito more coniecisset, ad experendum, utrum rea esset? Eo negante, monui ut id tentaret, (uolui enim ea ratione inquirere, num haec exploratio per aquam frigidam uera esset, nec ne?) Sed ecce postquam uenefica in aquam proiectatur, statim submersa fuit. Is postea ad me scripsit, se cum sex ueneficis tentasse idem, at omnes fuisse submersas.

Atque haec sunt, quae de sagis animus erat commentari; Si itaque quidam errores irreperint, qui censuram merentur, illos benigne Lectorem Beneuolum interpretaeturum spero. Caeterum DEO T.

O. M. hoc specimen consecro, eique pro concessis uiribus semper gratias agam, dicens:

SOLI DEO GLORIA.